

EKINTZAIETZA ETA GIZARTE BERRIKUNTZA PROGRAMA JUSTIFIKATZEKO IRIZPIDEAK 2021

2. ARLOA: ENPRESA-PROIEKTU SOZIAL BERRITZAILEAK GARATZEA

DIRUZ LAGUNDU DAITEZKEEN GASTUAK

a) Bideragarritasun eta merkatu-azterlanak, marketin-azterlanak eta txosten teknikoak.

Hauek sartzen dira: bideragarritasun-azterlanak, bazkideak bilatzea eta merkatu-azterketak, analisiak, entseguak, homologazioak, ziurtagiriak, eta proiektua garatzeko beharrezkoak diren proiektu teknikoak.

b) Produktuaren edo zerbitzuaren kontzeptua, ezaugarriak eta oinarrizko funtzionalitateak garatzea.

Merkaturatu ezin diren prototipoak edo proiektu-pilota definitzeko eta garatzeko gastuak sartzen dira, prototipoak ezin direnean amaierako produktutzat jo.

Hau da diruz lagunduko den gastua:

- Prototipoa edo proiektu-pilota zuzenean talde sustatzaileak egiten badu, prototipoa egiteko behar diren materialen gastuetarako laguntza emango da.
- Moldeak, aurremoldeak, tresnak, trokelak eta halakoak behar dituzten prototipoei dagokienez, gutxieneko pieza-kopurua ekoizteko balio duen eta gero erabilezina izango den aurremolde bat baino ez da ordainduko.

Ezin izango dute diru-laguntzarik jaso gastu hauek:

- Produktu berriak garatzeko proiektuak, baldin eta proiektua amaitu ondoren enpresaren produktuak jasotzen dituen paper-zorroan sartuta ez badaude.
- Enpresan dagoeneko badauden produktuak berritzeko, hobetzeko edo aldatzeko (funtzionaltasunak, estetika, lege araudia, etab.) proiektuak.
- Lehen prototipoaren aldaketak edo hobekuntzak.

c) Merkaturatzeko gastuak

Abiarazteko kanpainen gastuetan kontzeptu hauek sartzen dira:

- Irudi korporatiboa: enpresa berriaren irudi korporatiboaren diseinua, erakunde hornitzaile independenteek egindakoa.
- Katalogoak, diptikoak, triptikoak, aurkezpenak, eta abar: aipatutakoak diseinatzea eta hainbat euskarritan inprimatzea (papera, digitala, bideoa).
- Publizitatea: prentsan, aldizkari espezializatuetan, irratian, telebistan eta Interneten iragarkiak jartzea.
- Internet: domeinua erregistratzea, web orriak diseinatzea, zerbitzari batean egotea urte batean, urte bateko SEO posizionatzea, Google Adword edo bestelakoak.

d) Bidaiak eta azoketan parte hartzea

Kontzeptu hauek sartzen dira:



- Azoketan parte hartzea: izena emateko gastuak, erakustokien alokairuarenak, jarduera berria aurkezteko gelen alokairuarenak eta prototipoak eta materialak garraiatzeko behar diren ibilgailuen alokairuarenak.
- Joan-etorriak, garraio publikoan eta hegazkinean. Beren-beregi kanpo uzten dira taxien gastuak eta norberaren ibilgailuarenak.
Garraio publikoa erabiliz gero, bidaia-txartelak aurkeztu ahal izango dira faktura gisa.
- Ostatu hartzea (ostatua eta gosaria). Beren-beregi kanpo uzten dira hotelean egindako bazkariak, telefono gastuak eta gastu estrak.

Proiektuaren taldeko pertsona egindako gastuetarako diru-laguntza emango da, onuraduna pertsona fisikoa zein juridikoa baldin bada.

e) Jabetza intelektual edo industrial babestea, erregistroak, ziurtagiriak eta homologazioak

Ondorengo gastuak lagunduko dira, betiere barneko garapenak babesteko gastuak badira:

- Teknikaren egoerari buruzko txostenak, asmatze-patentea (estatukoa, Europakoa edo nazioartekoa PCT), erabilgarritasun-eredua, diseinu industrial, marka nazionala eta Batasunekoa, zeinu bereizgarriak eta egile-eskubideak.

Lehen inskripzioaren gastuak bakarrik ordainduko dira eta kanpoan geratzen dira berritzeak, bosturtekoek eta antzekoek eragindako gastuak.

Patenteak erostetik edota erabiltzetik eratorritako gastuak ez dira diruz lagungarriak.

f) Gizarte-enpresa edo gizarte-entitate berritzaile berriak eratzearen ondorioz gastuak.

Notarioaren eta merkataritza-erregistroaren gastuak; memoriak, buletinak eta tituluak inprimatzeko gastuak; tasak, publizitate-gastuak; komisioak eta tituluak jartzeko bestelako gastuak, kapital-eraketa edo kapital-gehikuntza dela-eta egin badira.

g) Proiektua garatzeko kanpoko aholkularitza.

Proiektuaren garapena aztertzeo fasean sortutako aholkularitza-gastuak sartzen dira.

h) Proiekturako jarritako langileen barruko gastuak.

Soldata-gastuak eta entitate eskatzailearen konturako karga sozialak sartzen dira.

Eskabideak aurkezteko epea bukatzen denean pertsonak kontratatuta egon beharko dira.

Langileen barne-gastutzat hartuko da soldata gordinaren gehi Gizarte Segurantzaren enpresa-kuotaren batura.

i) Gizarte-eragina neurtzeko gastuak

Bizkaiko Foru Aldundiko ekintzailtzarako eta gizarte-berrikuntzarako programaren alderdi hauei buruzko hausnarketa-prozesutik eratorritakoak dira: eragina sortzea; gizarte-eraginaren neurketari buruzko adierazleen identifikazioa eta lehenespena, eta/edo adierazle horiei buruzko datuen bilketa.



j) Negozio-lokalaren errenta

Negoziarako lokalak Bizkaian egon beharko du. Eskabideak aurkezteko epea amaitzen denean formalizatuta egon beharko du errentamendu-kontratuak, eta gehienez ere negozio-lokalaren urtebeteko errentamendua diruz lagunduko da.

k) Gizarte-enpresa edo gizarte-entitate berritzaile berria eratzearen ondoriozko prima.

Sozietatearen kapitala edo ondare-ekarpina eskrituran eta eskudirutan ordaindua izan behar dute, eskabideak aurkezteko epea amaitzen denean.

Ezin da diru-laguntzarik jaso inbertsiogile-taldee, arrisku-kapitaleko sozietateei edo baliokideei dagozkien sozietatearen kapitalaren ekarpenetarako.

l) Proiektua garatzeko beharrezkotzat jotzen diren beste kontzeptu batzuk.

EPEAK

Diruz lagundu daitezkeen gastuak burutzeko epea: 2020/01/01etik 2022/12/31erarte.

Fakturak eta ordainagiriak aurkezteko azken eguna: 2023/01/31.

DIRU-LAGUNTZA JUSTIFIKATZEKO AURKEZTU BEHARREKO DOKUMENTAZIOA:

Enpresak dokumentazio hau aurkeztu beharko du:

- Bitarteko eta amaierako justifikazioei dagokien jarduketa-memoria, eginiko jarduerak eta lortutako emaitzak jasotzen dituen, Ekonomi eta Lurralde Garapena Sustatzeko Sailaren web gunean dauden ereduaren arabera ([www.bizkaia.eus/gaiak/ Enpresak eta nazioartekotzea/ Ekintzailtza/ Berritzeko eta sortzeko gaitasuna/ Ekintzailtza eta gizarte-berrikuntza](http://www.bizkaia.eus/gaiak/Enpresak_eta_nazioartekotzea/Ekintzailtza/Berritzeko_eta_sortzeko_gaitasuna/Ekintzailtza_eta_gizarte-berrikuntza)).
- Gastua 15.000,00 eurotik gorakoa bada (BEZa sartu gabe) eta eskabidea aurkezten denean kontratatuta ez badago, egin beharreko lanen eskaintzei buruzko dokumentazioa.
- Lagundutako jarduerak egiteko kontratuak, behar bezala formalizatuak, hala behar denean.
- Eginiko marketin-plana, bideragarritasun- eta merkatu-azterlanak eta eginiko txostenak, halakorik badago.
- Eginiko aholkularitza-lanei eta haien ondorioei buruzko txostena.
- Faktura eta dagokion ordainketa-ziurtagiria, dokumentu bakarra erabiliz, diru-laguntza jaso dezaketen gastu bakoitzerako.
Dokumentu bakar batean aurkeztu beharko dira 50 eurotik beherako fakturak, hornitzaileen arabera sailkatuta.
- Proiekturako jarritako langileen barruko gastuak eskatu badira:
 - Gizarte Segurantzaren araubide orokorrean dauden pertsonentzat, kotizazioen likidazioen zerrenda (RLC) eta langileen zerrenda izendunak (LZI), justifikazioaldiari dagozkionak, eta nominetan eginiko ordainketaren frogagiria.
 - Langile autonomoentzat, nomina guztiak eta dagozkien ordainketen frogagiriak, bai eta justifikazio aldiko autonomoen ordainagiri guztiak ere.



- Erakundearen legezko erantzulearen ziurtagiria, egiaztatzeko BEZa ezin dela berreskuratu edo konpentsatu, Foru Administrazioak emandako diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 29.8. artikuluan ezarritakoaren arabera.
- Ekintzailletza eta Gizarte Berrikuntza Programaren gizarte-eragina neurtzeko adierazleak, Ekonomi eta Lurralde Garapena Sustatzeko Sailaren web gunean dauden ereduaren arabera ([www.bizkaia.eus/gaiak/ Enpresak eta nazioartekotzea/ Ekintzailletza/ Berritzeko eta sortzeko gaitasuna/ Ekintzailletza eta gizarte-berrikuntza](http://www.bizkaia.eus/gaiak/Enpresak_eta_nazioartekotzea/Ekintzailletza/Berritzeko_eta_sortzeko_gaitasuna/Ekintzailletza_eta_gizarte-berrikuntza)).

Adjudikatutako diru-laguntza proiektuaren gauzatzeko-mailaren arabera ordainduko da eta 3 ordainketa egingo dira, gehienez. Lehen ordainketa egiteko diru-laguntzaren %20 justifikatua egon beharko da, bigarren ordainketa egiteko diru-laguntzaren %40 eta hirugarren ordainketarako diru-laguntzaren gainerakoa.

Egindako lanak aurkeztu baino lehen, gastuen zenbateko osoaren % 25 ordaindu ahal izango da gehienez. Horretarako, faktura eta ordainagiria aurkeztu beharko dira.

Diru-laguntza jaso dezaken gastua izango da erakunde hornitzaile independenteei azpikontratututako lanaren zenbatekoa. Enpresa sustatzaileko langileek edo bazkideek egindako lanak ez dira diruz lagunduko, Diru-laguntzei buruzko maiatzaren 31ko 5/2005 Foru Arauaren 27.7.d) artikuluan ezarritako kasuetan izan ezik.